

## TRACTATUS DE GRADIBUS CHARITATIS.

### CAPUT PRIMUM.

#### *De insuperabilitate charitatis.*

Amico in Jesu Christi viseeribus dilecto. Lævam sponsi sub capite, et dexteram in amplexu. Cogit me infantia charitatis tuæ mihi, amantissime, aliquid tibi de charitate scribere, atque supra meipsum præsumere, et supra modum parvitatis meæ, imo, ut mihi sentire videor, effundere de vacuo, et quod non habeo dare. Difficile dico tibi acquiescit animus meus de ea aliquid dicere, sentiens, quod ad eam digne tractandam neque cor, neque lingua sufficiat. Quomodo enim de amore loquitur homo qui non amat, qui vix non sentit amoris? De aliis neque copiosa in libris occurrit materia; hujus vero aut tota intus est, aut nusquam est, quia nou ab exterioribus ad interiora suavitatis suæ secreta transponit, sed ab interioribus ad exteriora transmitit: Solus proinde de ea digne loquitur, qui secundum quod cor dictat verba componit. Ne mireris igitur si atium audire de ipsa mallem quam loqui ipse. Illum, inquam, audire vellem qui calamus linguae tingeret in sanguine cordis, quia tunc vera et veneranda doctrina est, cum quod lingua loquitur conscientia dictat, charitas suggestit, et spiritus ingerit. Fallaris si me tales putas, imo fallor ego. Nam tibi quidem pium est in illa quæ omnia credit estimare de me supra id quod est in me. Mibi autem durum est hominum quod non habeo de me opinari, cum et si quid haberem expediret forsitan ignorari. Cumque vero diligitur quod non est, sed quod esse putatur, non amor vel amans non est, sed quod amat. O magna virtus charitas, quæ vocat ea quæ non sunt tanquam ea quæ sunt! O fortis virtus, quæ neminem spolians omnia rapit, omnia facit tua, et nemini ausers sua, dum bonum quod in alio diligis diligendo acquiris! Et quidem fieri potest ut frustra agas bonum quod operaris. Ut autem ego frustra diligam, fieri omnino non potest. En ad manum est amoris fortitudo quam queris, cui resistere nemo est qui possit? Omnia sibi subjicit, omnia suis prospectibus servire cogit, inimicos amando superat, et sibi amicos facit vel invitatos. Nam, etsi habeat æmulos, inimicos omnino non habet. Sola enim quæ in adversis non deficit, quia patiens est (*I Cor. xiiii*); quæ injurias non rependit, quia benigna est; quam felicitas aliena non cruciat, quia non æmulatur; quam conscientia mala non pungit, quia non agit perperam; quam honore non extollitur, quia non inflatur; quam præesse nou nititur, quia non est ambitionosa; quam cupiditas non coaretat, quia non querit quæ sua sunt; quam injuria non provocat, quia non irritatur; quam sinistre suspiciones non fœdant, quia non cogitat malum; quam aliena mala

A non lætificant, quia non gaudet super iniuriam; quam errores non execant, quia congaudet veritati; quam persecutions non frangunt, quia omnia sustinet; quam perfidia non inducat, quia omnia credi et si non omnibus; quam desperatio non absorbet, quia omnia sperat; quam intolerantia non dejicit, quia omnia sustinet; id est, omnia de Deo promissa patienter exspectat; quam mortis separatio non intercidit, quia nunquam excidit. Quid nisi morte non vincitur, quæ fortis est, ut mors, imo morte fortior, quæ ipsam quoque mortem mori coegerit in morte Redemptoris? O insuperabilis virtus charitas, quæ ipsum quoque insuperabilem superasti, et cui omnia subjecta sunt omnibus quodammodo subjicisti, dum virtus amore Deus humiliavit semetipsum formam servi accipiens, factus non modo homo, sed opprobrium hominum et obiectio plebis! Propter nimiam enim charitatem qua dilexit nos, contine non potuit in ira sua misericordias suas, quoniam dilectam animam illam inimicis exponeret pro amicis suis, ut mortis terrorem pariter et vigorem tolleret ab amicis suis. Et si contra Deum fortis fuit, quanto magis contra homines prævalebit?

C Hinc extunc illa fidelium intrepida constantia cordis, qua supplicia contemnentes et mortem calcantes, laeti per medias mortis sauces ad patriam revertuntur. Morientes exsultant et morti insultant, dicentes: *Ubis est, mors, stimulus tuus?* (*I. Cor. xv.*) Jam non stimulus sed jubilus, dum per medium tui latum letumque exitum a miseria pandis ad regnum. Facit igitur charitas ut pro ipso, vel in ipso mori non metuant, sed affectent, a quo sic amari se vident, ut ne morerentur ipsi morte turpissima voluit condemnari. Admirantes enim et amplexantes in Christo illum amoris excessum quo proposito gaudio sustinuit crucem humana confusione contempta, vicem non rependere confunduntur, atque passionis ejus ludibriis quasi quibusdam aculeis incitati feruntur effrenes in amoris abyssum, in profundum charitatis, id omnino et solummodo queritantes: *Quid retribuam Domina pro omnibus quæ retribuit mihi?* (*Psal. cxv.*) Sieque quadam sana et sancta insaniente translati parum amare se reputant sic amati. Vehemens quippe vis amoris ratione non compescitur, quia, teste Apostolo, supereminet scientia maiestate (*Ephes. iii*). Non terretur, quia foris mittit timorem. Misericordia non reprimitur, quia in infirmitate perficitur. Prorsus virtus omnipotens quæ ipsas miserias facit potentes, dum convertit in adjutorium quæ paratae sunt ad uocendum, qua suffulti milites Christi impavidi certant, certi de victoria mediis periculis incedunt tutissimi, nec dæmonem, nec hominem metuentes. Hinc Paulus, periculis plurimis

enumeratis, e quibus inclite triumphaverat, triunphi causam adjungit, dicens : *Et in his omnibus superamus propter illum qui dilexit nos* (Rom. viii). Securus inter frondentium undique hostium fulgurantes hastas, et circumvolantia spicula cum charitate dormit, quæ sola potens est ignita nequissimi tela extinguiere, quam flumina multa non extinguunt. Denique multitudinem peccatorum operit et opprimit, et temptationum muscis morientibus non prævalebit. Prævalet, et subjicit, et illum Iebusum populum certosque Chananiæ stirpis servire facit in tributum, et in materiam exercende virtutis. Majoris profecto potentie est erectum hostem dejicere, quam conantem reprimere. Charitatis proinde est tentationes non perimere ne insurgant, sed, cum surrexerint, sternere ne procedant. Itaque non tam virtus potens, quam virtutum potentia dicenda est, eo quod ab illa omnes accipiant, ut vere virtutes sint. Ilæc vita dulci, spei robur, et omnium intima vis, et medulla virtutum. Ilæc quæ vitam ordinat, affectus inflamat, actus informat, excessus corrigit, mores componit, valens ad omnia et omnibus prævalens, quæ ipsam quoque omnipotentiam quodammodo reddit in potentem. Nonne hæc est quæ in Moyse divinitæ justitiae et potentiae obstante prævaluit in fortitudine? *Dimitte me*, inquit, *ut irascatur furor meus contra populum istum* (Exod. xxxii). Audis, *dimitte me*, et Deum teneri non dubites, nec aliunde quam amoris fortitudine. Quæreris cuius? Illius utique servi fidelis, qui in populum majorem major fieri et gloriösior renuit, non carnali, ut assolet, detentus affectu, sed ne in Dei gloriam rueretur venenatis spiculis blasphemorum: *Ne quæso, ait, dicant Aegyptii: Cullide eduxit eos ut interficeret in montibus*, nec potuit inducere in terram quam promisit (*ibid.*). Quidni cessit potentia, cessit justitia, ubi charitas de corde tam puro non tam rogabat quam urgebat? O quantum talium virorum penuriam patimur, qui pro nostris delictis Domino se opponerent, pacarent iram, averterent ultionem! *Non est*, ait propheta, *qui invocet nonum tuum, qui consurgat, et teneat te* (Isa. lxiv). Sola quæ Deum tenere possit vis amoris est, qua non solum teneri se patitur, sed quod non teneatur pie conqueritur in propheta: *Quæsiri de eis virum qui interponeret sepem, et staret oppositus contra me pro terra, ne dissiparem eam, et non inveni* (Ezech. xxii). Quærerit Deus qui sibi se opponat irato, cuius profecto proprium est misereri, peregrinum uelisci. Peregrinum, inquit, opus ejus ab illo, quod opus? Nimiron opus ultionis et iræ. Charitas igitur sua fortitudine extentam Dei manum ne feriat continet. Satan sub pedibus conterit, et super inimicorum capita carbones congerit. Potens non modo adversus carnem et sanguinem, sed et adversus principatus et potestates tenebrarum harum, contra spiritualia nequit in cœlestibus; in adversis fortis, sed fortior in prosperis. Solus enim Christi amor est qui ridentis et iridentis fortunæ pure blandicias spernit, et conspuit, sapore dulciori delectatus;

A cuius respectu omnis dulcedo amara est, omnis iucunditas macror est. Omne pulchrum fœlum; omne suave molestum. Et hæc de ejus insuperabilitate sufficient, et si non ad materię copiam, quæ multa est nimis, saltem prosint ad occupationem tuam. Jam ad ejus insatiabilitatem accedamus.

## CAPUT II.

*De amoris insatiabilitate.*

Sane amoris fortitudinem illa efficit dulcedo quam sentit, cuius qui gustant illo gusto facile Deum amant. Anima cuncta contemnit quæ nisi in hujus contemptu amari non possunt, sciens dilectum prius invenire non posse quam prætereuntis mundi figuram quodam respectu pertransierit. Hinc se in B se totam perstringens non jam ascensoriis gradibus vel passibus utilit, sed inopinatis capitibus, vel excessibus fertur, volans, non vadens in illa sublimia secreta cœlestia. Unde et Paulus non in tertium cœlum ascendisse, sed raptum suis perhibetur. Sic affici quasi deificari est, dum animus divino debriatus amore obliviscitur omnium, et totus pergit in Deum, gustans illud quod nemo novit, nisi qui accipit. At quoties illam felicitatem participat, istam miseriam nesciat necesse est, quæ utique simul esse non possunt. Ad hunc tamen amoris gradum, etsi mortalibus interdum pervenire datur, diu tamen stœc omniō prolibetur, donec corruptibilibus exuta exuviis libere evaserint in libertatem glorie filiorum Dei. Nituntur tamen, et trahuntur illius faciei desiderio: Quam, juxta prophetam, *Pater ut adamantem posuit, ut ferrea queque altrahere possit infuniculis charitatis* (Osee xi). Tractus iste etsi suavein quodam habeat violentiam, magis tamen mortalitatis impotentiam notat, qua mole gravata misera anima, saepe a volatu suo decidit, et deficit a conatu, si non ab illo trahitur qui exaltatus a terra omnia trahit ad seipsum. Habent igitur amatorii spiritus corporis corruptione detensi et distenti crebram de Dei visitatione letitiam, sed nullam copiam, dum nec plena esse sinitur, nec morosa. Unde et quodam jucundo loco interim Deus ludere videtur cum filiis hominum, a quibus, dum teneri putatur, e manibus labitur, insectatus se comprehendi patitur, et disparens rursum non videtur, donec denus lacrymis et precibus vocatus revertatur, et ita, licet delectet visitatio, molestat vicissitudo. Sed quanto, putas, stupore perfunditur anima, subtracta illa dulcedine, et ad hos sensuum laqueos captiva retracta? Nonne quasi de patria spirituum pulsata in vallem corporum in aliud quoddam ignotum seculum sibi cecidisse videtur longe priori dissimile, in quo et charitas friget et sensualitas regnat, caligal oculus mentis et sensus viget corporis? Hæret tunc, et alta trahens suspiria inde misera unde beata efficitur. Nam quo gratiora fuerat experta, eo molestius fera ea sibi esse subtracta. Subtractio enim rei amatæ augmentatio desiderii est, et quod ardenter optas, cares argius. Et hic est languor.

amoris, quod non est aliud nisi tedium impatientis desiderii quo necesse est affici mentem vehementer amantis, absente quem amat. O præsens absentia, et absens præsentia ejus qui simul perditur et habetur! Frustra, ni fallor, sic languentis animæ conatur quis lenire dolorem, temperare mœrem, cum de iutus curari oporteat dulce vulnus amoris. Nullo proinde humano solatio mitigatur secreti doloris sacra amaritudo, cum, sublato interno dulcoris gusto, nil queat exterius consolari, immo juxta beati Job sententiam: *Omnes consolatores reputat onerosos* (Job. xxx). Sensit hoc, qui dixit: *Renuit consolari anima mea, memor sui Dei, et delectatus sum* (Psal. lxxvi). Felix tristitia, quæ non de creatura, sed de Creatore concipitur, quæ nulla præsentis vita luget incommoda! Dignum plane est ut Deum totius consolationis consolatorem habeat, qui rerum fluentium qualibet affluentia renuit consolari! Non est igitur citra Deum unde possit solarium capere, qui prater illum didicit nil amare. Habeant alii vana et varia sua solatia quibus dicitur: *Væ vobis divitibus qui hic habetis consolationem restrainti* (Luc. vi). Sibi solus consolator est qui et inhabitator est. Charitas Deus, quij etsi justis nunquam desit ad meritum, plerumque tamen ad solarium abest; illud utilius, jucundius istud habetur. Latet igitur dum sensum cordis minime tangit illa suavitas habita, sed abdita. Moram autem faciente quem desiderat, non jam cum illis fatuis dormitat, vel dormit, sed crebris succussa suspiriis et gemitibus excitata disimulare non valet ultra mœstiam, nec ignem abscondere qui triste pectus adurit. Non jam deliberat, non consulit rationi, non verecundatur, modum ignorat et ordinem, id omnino et solummodo satagente animo, quomodo redeat in præsencia dulcedo ejus quantamlibet festinationem reputat tarditatem, hoc est, dulcissime, quod aliquando quæsisti, quid sit quod ait beatus Augustinus: «Amor Dei non capit de impossibilitate solarium.» Omne enim desiderium tunc ratione solet mitigari, cum desideratum impossibile sit haberi. Amoris tamen violentia nulla impossibilitate frenatur. Nam etsi animam terrena inhabitatione pressam et immersam luto, illa felicitate ex integrō frui omnino omni homini constet impossibile, nullum tamen sic amanti hæc impossibilitas præbet solarium, quo minus ardeat et astuet in fruendi desiderio, quo tamen desiderio, etsi ratio execetur, Deus tamen minime offenditur, qui simile quoddam suo videtur inuisisse præceptio: *Diliges, inquit, Dominum Deum tuum ex toto corde tuo, et ex tota anima tua, et ex omni mente* (Deut. vi), quod tamen in hac vita mortali, vel potius morte viāli, sicut a nemine constat posse impleri, ita ab omni homine debet optari, unde et in justi descriptione dicitur: *In mandatis ejus volet nimis* (Psal. cxi). Quid est velle nimis, nisi plus velle quam posse? Quo sensu et ergo dictum puto, *Adolescentiæ dilexerunt te nimis* (Cant. i). Infinitus quippe, et immensus est Deus in quem tendit amor

A eorum, ut nullus esse debeat finis, vel mensura amoris. Amat igitur sic amans anima, etsi non minus posse suo, minus tamen velle suo, nec capit de hac impossibilitate solarium, sed potius desiderii suscepit incrementum. *Concupivit*, ait quidam, *anima mea desiderare justificationes tuas* (Psal. cxviii). Non potuit satiari desiderio, qui nihil desiderare concupivit. Fames enim animæ desiderium est. Sic vero Deum amans anima amore non satiatur quia Deus amor est, quem qui amat, amorem amat. Amare autem amorem circulum facit, ut nullus sit finis amoris. Vides igitur quemadmodum insuperabilis est charitas, omnia superans, ita et insatiabilis, omnia vorans, et ex copia parit inopiam, dum ex pragmatis deliciis amplius in desideriis exardescit. Quod B et si dentur ad plenitudinem, nunquam tamen ad satietatem: *Qui edunt me, inquit, adhuc esurient* (Eccle. xxiv). O bone Deus, quem amare edere est, quomodo amantes te sic reticis ut magis esuriunt, nisi quia tu simul cibus es et esuriens? Et qui te non gustavit te prorsus esurire nescit. Ad hoc ergo cibas, ut esurire facias: *Esurientes*, ait illa puella, *implevit bonis* (Luc. 1); *implevit*, non satiavit. Amoris namque bona eo minus satiant, quo magis repletant. *implevit bonis*; quibus bonis? nolo a me quereras quæ sint bona charitatis, profecto illa esse testimoniū de quibus dicitur: *Oculus non vidit absente, quæ preparasti diligentibus te*; et alio loco: *Oculus non vidit, et auris non audivit, et in cor hominis non ascendit* (Iea. lxiv; I Cor. ii). Audis diligentibus præparata, ut dilectionis bona fore non ambigas. In hac enim repositæ sunt æternitatis deliciae, et omnis coelestis suavitas. In hac sunt pax, patientia, longanimitas et gaudium in Spiritu sancto, et quidquid jucundum mente concipit, et ultra; hæc, inquam, præparasti diligentibus te, sed abscondisti timentibus te, donec charitas foras mittat timoris velamen, ut videre possint quam magna multitudo dulcedinis tue, quæ, etsi repleat, satiat nunquam. Non audeo dicere ipsos si qui sunt secunda stola vestitos.

C Objicis forsitan illud: *Satiabor cum apparuerit gloria tua* (Psal. xvi), et illud quod ad Hierusalem quæ sursum est dicitur: *Adipe frumenti satiat te* (Psal. cxlvii); sed satietatem desideranti abundantiam ibi notare noveris, non desiderii finem. Finis autem desiderii, ut ait quidam, satietas est. Qui vero semper esurunt, liquet quod satiati non sunt. Sed vero beata esuries quæ esurit solum quod habet, et solum habet quod esurit. His itaque persuasis charitati tue, quod dulcedine divini amoris nemo in futuro satiari poterit, nemo in præsenti impleri, de qua impossibilitate solarium tibi sit nullum habere solarium, patientiam tibi opto, sed patientem esse in hoc magis expedit.

### CAPUT III.

*Quod amor incessabiliter videt amatum.*

His igitur utcunque prætactis, ad investiganda reliqua stylus percurrat, quatenus ad tam digna adiutum aperire dignabitur in dulcedine sua pauperi

Dens. Solet tamen facilius in his patere ingressus pie pulsantibus, quam subtiliter perscrutantibus. Pulsat qui affectat, et qui orat, et pulsanti aperitur. Non enim ambigendum est quin libenter pulsanti aperiat, qui nondum pulsanti hortatur ut pulget. Sic Deus prius vult a se requiri etiam quod promittit, et ideo quod dare dispositus prius promittit ut rogandi ausum prebeat, et quod datus gratis erat devota promereatur oratio. In hoc a nobis merita extorquet, dum nos prævenit tribuendo quod retribuat, gratis agit ne gratis tribuat, plane dignus ut reametur, qui sic nos prævenit in amando: *In hoc, inquit Joannes, est charitas, non quasi nos dilexerimus illum, sed quia prior ipse dilexit nos (I Joan. iv).* Præredit igitur amor suus, nostro quidem benignior, sed noster reprehendi ur, ipse enim adhuc ingratos gratis diligit, nos vero suo dono et debito constat diligere. Dat unde, et facit quod ametur, ut de suo, et pro suo pariter diligatur. Et quidem dominum istud prosequi omitto, eo quod ineffabile sit. Nam etsi sentiri a paucitate spiritualium possit, exprimi tamen a nemine potest. Solum ille novit qui dat, et qui accipit, exclusis ceteris, ipsis etiam acipientibus et habentibus suspecta est et incerta ipsa collatio: idque salubriter, ne præsumant. Sed nunc, quæso, mi Severine, reduc oculos ad hæc inferiora, et vide quæ videntes plerique non vident, et adverte si non cuncta quæ vel nolis in prosperis servient, vel contra nos sœviant in adversis quædam non sint charitatis calcaria urgencia quodammodo ad cursum amoris. Ad hoc enim omnia cursus suos dirigunt ut humanis utilitatibus et oblectamentis occurrant, vel defectibus certe succurrant. Hoc cœlum et terra, mare et aera, hic circuitus temporum redivivis patribus antiqua innovans, dilapsa reformans, consumpta restaurans implere non cessat, ut sicut hæc continua communia beneficia respire nemo est qui possit, ita qui beneficit non diligere nemo est qui debet. Assentiris forsitan de prosperis, at adversa quomodo amorem doceant, vel exigant, tibi innotescere cupis. Cum plerumque humana ingratitudine superbe sibi arrogat dona Conditoris, vult idem hominis Conditor alto salubrique consilio hominem tribulationibus exerceri, ut cum defecerit homo et subvenerit Deus, Deus ut dignum est ameritur ab homine, hoc enim est quod dicit: *Invoca me in die tribulationis, eruam te, et honorificabis me (Psal. xlvi).* Ex occasione quippe frequentium necessitatum crebris necesse est in tribulationibus Deum ab homine frequentari, frequentando gustari, gustando probari quam dulcis est Deus. Sic que sit ut cor ferreum quod beneficis emolliri nequibat, flagellis eruditum ad gratiam liberantis liquescat, discatque Deum diligere, et si non propter suam bonitatem, certe propter propriam utilitatem, et hic gradus amoris amare inchoantibus primus est; jam vero amantibus inflatus, cum non propter ipsum, sed propter nos Deum diligimus (*I Joan. ii*). Liqueat igitur quemadmodum tamen

A carnaliter et carnalia amantem ad Dei amorem adversa instruunt, et quodammodo cogunt. Sed et ipsis amore successis, non inferiori consilio interdum prospera subtrahuntur, et ingrediunt se aduersa, ut si forte (quod vitare difficile est) blandiens prosperitas aliquando sibi subripuit amoris partculam, succedens tollat aduersitas, quæ sola (juxta beati Joannis doctrinam) veraciter: *Docet non diligere mundum, nec ea quæ in mundo sunt (Joan. ii).* Sic Israelitæ coguntur ab Ægyptiis Ægyptum egredi (*Exod. xii*); quia, teste beato Gregorio, dum mundus calamitatibus animum pulsat, nil aliud nisi ut non diligatur clamat. Solus igitur amor est quem a nobis Deus exigit, aut cum beneficiis obruit, aut cum flagelis corripit, vel consiliis instruit, vel mandatis astringit. Plenitudo legis est charitas, et legem continet et prophetas, quia quidquid divina lege indicitur, vel interdicitur, ad solum amorem reducitur. Solve tribulum amoris, et Domino novoris satisfactum. Quid igitur, inquit, nobis prodest tanta in nostro vietu parcitas, in habitu vilitas, in vigiliis et disciplinis jugis austeritas? Paucis accipe, quedam sunt charitatis obsequia placentia et placantia si in charitate flant. At sine charitate nihil prosunt, hæc est enim virtus in qua nec minimum opus respuitur, siue qua nec maximum acceptatur: non prædicatio, etiam si flat linguis angelorum; non fides, etiam si montes transferat; non eleemosyna, etiam si omnes facultates in cibos pauperum distribuat; non corporis afflictio, etiam si tradatur corpus ita ut ardeat; non missarum solemnia, quia ante fratris reconciliationem munus prohibetur offerri. Ipse enim amator hominis Deus est, cui omnis creatura merito constitetur, et dicit: *Bonorum meorum non eges (Psal. xv)*; sed hoc solum requirit ab homine, quod nulli constat difficile. Solus enim amor est, ut ait beatus Augustinus, qui nomen diaboli ultatis ignorat, qui cum multa amico impenderit, pauca vel nulla se judicat impendisse. Hinc est quod illa auctorum multitudine: *Videbantur Jacob dies pauci præ amoris magnitudine (Gen. xxix).* Verus enim amans animus quidquid pro amico patitur præ amore vix sentit, dum sic totus amori intenditur, ut præter dilectum nil pœnae cogitare sinatur, quia signaculum gerit super cor, et super brachium suum. Denique qua parte subrepere possit illius oblivio, qui præter illos radios incircumspecti luminis, præter illos rivos incorruptæ dulcedinis quibus ineffabiliter animam influit, in rebus etiam visibilibus amanti se exhibere non cessat. Integer quippe amator Dei, quoconque se vertit, familiarem habet admonitionem amoris, rebus his pro speculis utitur, et in omne quod cernit sui amatoris sibi resultat memoria. Aspicit cuncta quæ condidit, et quo considerit sine, et in his non tam admirabilis quam amabilis sibi occurrit, atque ex arrha dilectionis quam præcontulit sapienter estimat quanta reservavit in dote. Castus profecto columbinusque

oculus amor est, qui in rebus humano usui co-  
cessit nulla libidine figitur, sed in transitoriois con-  
templatur aeternum. Iste est oculus qui non claudi-  
tur, quia carnalitatis palpebra caret, nullo injecto  
turbatur, quia nihil admittit forinsecus, nulla cœ-  
catur caligine, quia tenebrae in eo non sunt ullæ,  
nullo gravatur sopore, ipso teste qui ait : *Ego dor-  
mio et cor meum vigilat* (*Cant. v*). Oculus rectus,  
oculus vere dexter, quem nulla seorsum avertit si-  
nistra intentio, nulla deorsum inflexit terrena  
affectione. Oculus vero simplex et prudens quem nulla  
concavit incerta suspicio, nulla detinet curiosa sol-  
licitudo, illum incessabiliter intuens in quem angeli  
prospicere desiderant. Amor enim vehemens, ut ait  
beatus Augustinus, non potest non videre quem  
amat, quia amor oculus est, et amare videre est. Hoc  
oculo se vulnerari fatetur qui ait : *Vulnerasti  
me in uno oculorum tuorum.* (*Cant. iv*). Duos nempe  
oculos habet anima. Unum quo intelligit, et aliud  
quo requirit illum qui respicit super filios homi-  
num, ut videat si est intelligens aut requirens  
Deum. Et horum duorum dexter oculus est amor  
qui requirendo vulnerat. Neque enim ille saliens in  
montibus et transiliens colles. Omne sensum superans,  
humanum videlicet et angelicum, absque  
vulnere capitur duxata amoris. Quæris quid sit  
vulnerari Deum? Respondeo ego, quod est illam  
omnipotentiam nostræ infirmitati pie condescen-  
dere, et quasi quedam vulneris apertura internæ  
suavitatis secreta patefacere. Vulnerari ergo po-  
test, qui etsi sit impassibilis, non tamen est incom-  
passibilis. Vulner hoc absque ira infligitur, et  
absque dolore sentitur. Hunc vulnerantem oculum  
ille Ammonitarum rex suo infelici fædere molitur  
eruere : *In hoc, inquam, feriam vobiscum fædus, ut  
omnium vestrum oculos dextros errant* (*I Reg. ii*). Sublato enim amore, qui dexter oculus est, ad so-  
lum errorem remaneat intellectus quem s'istrum  
diximus. Intelligere quippe non amare illorum er-  
ror exstitit. Qui cum cognovissent Deum, non sicut  
Deum glorificaverunt, sed evanuerunt in cogitationi-  
bus suis (*Rom. i*). Quod multi qui errores persequi  
videntur hoc errore cœcantur; quo nullus forsitan  
potest deterior inveniri. Videtur itaque ab aman-  
tibus Deus oculo utroque, sed altero vulneratur,  
quia ubi intellectus caligat, amor penetrat, et ubi  
ille repellitur, iste admittitur. Quippe perscrutari  
prohibemur, et plus sapere quam oportet, sed  
amare etiam plusquam possimus præcipimur. Non  
potest igitur obturari amoris oculus quo minus vi-  
dere possit quem amat; etsi non videtur sicut est,  
quod teste beato Joanne : *Servatur in premium*  
(*Joan. iv*), certe tamen videtur; sicut volt quid in  
presenti, ad solatum indulgetur. Videtur enim a  
quolibet amante prout amat, ab alio quidem sic, ab  
aliо vero sic, pro varietate affectionum quibus seruntur  
in ipsum. Alii ad Divinitatis arcana ferventius in-  
biant. Alii humanitatis mysteria securius admiran-  
tur, contemplantes consilium altissimum Dei super-

A salutem generis humani, totum quidem tutum est  
quod oculus intuetur amoris, qui solus nunc videt  
ad meritum, visurus quandoque ad præmium, cum  
sublato corruptionis nubilo : *Faciem illam, ut scri-  
ptum est, videbit in jubilo* (*Job. xxix*). Poterant  
his multa adjici famelicis, etsi non fastidiosis pro-  
futura; sed ne prolixiori sermone te gravem, stylum  
premo multo plura, fateor, cupientem.

## CAPUT IV.

*De amoris inseparabilitate.*

Jam nunc ad medium veniat ultimæ petitionis lux  
particula, maxime illa quam instanter postulas, vir  
devotissime Severine, meis quidem labiis, sed tuis  
certe meritis explicanda, quibus non tantum in  
studiis, sed et in cunctis necessitatibus non medio-  
criter fido. Ut autem in ea quæ proposuimus suo tra-  
mite sermo gradiatur, quæ dicta sunt brevi revo-  
centur epilogo. Habes autem in premissis quod  
charitas insuperabiliter pugnat, inseparabiliter gustat,  
incessabiliter videt. In manibus ardet, et inseparabiliter  
heret. Adeo nempe tenax est amoris glutini-  
num, ut non tam jungere quam unire dicatur. Pro-  
sus juxta prophetam : *Glutinum bonum est tripliciter  
uniens virum virtutis* (*Isa. xli*), videlicet sibi,  
proximo, Deoque sic, quod ei conveniat et col-  
reat in unitate. In se quippe per amorem homo  
unus efficitur, dum se intra se recolligens et reducis  
affectionibus cunctis a locis quibus captivi tenentur  
solum unum incommutabiliter amat, nec amplius in  
diversa mutatur. Paratus enim per amorem in plu-  
ria nosquam sibi invenitur unus vel idem, sed sem-  
per sibi ipsi dissimilis, quia toties variari cogitur,  
quoties quod amat variatur: qui enim labenti ini-  
nititur, necesse est ut cum labente labatur. Proximo  
per charitatem unitur homo, dum non solum sine  
querela, quantum in ipso est, idem omnibus studet  
effici, sed et omnium successibus coaptari: gaudere  
cum gaudientibus, et flere cum flentibus, infirmari  
cum infirmis, et cum scandalizatis uri, juxta quod  
scriptum est : *Socius in tribulatione et regno* (*Apoc.  
1*). Sic multitudinis credentium erat cor unum et  
anima una, quam [cujus] nec voluntatum varietas,  
nec rerum proprietas animos dividebat, sed firmiter  
stringebat charitas, et suaviter cohiebat in unitate  
spiritus, in vinculo pacis. Heu in quam inferiori  
seculo dilapsi sumus! Heu in quos fines, ino facies  
sæculorum homines devenerunt! cum (ut de sæculi  
hominibus taceamus quos excavavit ambitio) ipsa  
religionis electio nostro miserribili tempore tanta  
divisione spargatur, ut vix unus alteri conveniat in  
unum, nisi forte adversus Dominum et adversus  
Christum ejus. Ubique apparent scissure civitatis  
David, et intantum jam hiant, ut vicinam ruinam  
omnino minentur. Servatur sub tunica una et ueste  
simili cor varium et omnino dissimile, ita ut de reli-  
gione antiqua vix signa scriventur, et venientibus ad  
sepulcrum Domini quod claustrum est, Christum  
querentibus sola linteamina pateant, id est, habitus  
forma... Fateor, tædet hic esse; excamus hinc, neque

enim hoc loco de vitiis loqui propositum est. Deum etiam homini, et hominem Deo unit charitas non solum illa ineffabili unitate qua nostra natura Verbo aeterno in unitate persone unitur, quam effectit utique illa charitas qua ante mundi constitutionem nos dilexit, sed illa qua ait Apostolus : *Qui adhaeret Deo unus spiritus est* (*I Cor. vi*).

Profecto unitas haec amoris est, qua homo secundum cor Dei totis votis supernae et aeternae voluntati conformis unitur Deo glutino quod non dissipabitur, et vinculo quod non disrumpetur. Est enim charitas vinculum perfectionis quo membra silemum arcissimo complexu sibi invicem harent et uno capiti per omnes juncturas connectuntur in unum corpus, in mutuo participio bonorum omnium, ut si leniter quilibet dicere possit, *Particeps ego sum omnium timentium te, et custodientium mandata tua* (*Psal. cxviii*). De hoc dictum puto : *Funiculus triplex difficile rumpitur* (*Eccle. iv*). Triplex dicitur eo quod, ut praefatus sum, tripliciter ligat. Vis tibi funiculum triplicem describat Apostolus : *Finis, inquit, precepti est charitas, de corde puro, et conscientia bona, et fide non facta* (*I Tim. v*). Solum cor purum est quod perefrinere nescit : nil facilius foedatur corde exposito, quod sola continet charitas ne frustra pateat. Porro, secundum Apostolum, conscientiam bonam habet ad omnes qui proximi bonum aequum ut proprium diligit, si quominus convincitur non habere illam quae non querit quae sua sunt. Fides non facta illa est, quae per dilectionem operatur ; alioquin, non modo factam, sed etiam mortuam Jacobus eam dicere non veretur (*Jac. ii*). Et vere iste triplex funiculus difficile rumpitor, quo vincutus Paulus audet et dicit : *Quis nos separabit a charitate Christi, tribulatio, an angustia, an fames, an nuditas?* (*Rom. viii*) Validum profecto vinculum cui nulla praevalet violentia, inseparabiliter continens amantem pariter cum amato. Nemo me aestimet cum illis sentire, imodespere qui charitatem semel habitam asserunt ultra perdi non posse, quia si omnis qui habet charitatem habet et perseverantium, frustra suos discipulos Dominus monuisseget, dicens : *Manete in dilectione mea* (*Joan. xv*). Sed in hoc indubitanter censerem charitatem sponte posse deseriri, non violenter auferri. Offertur omni, auferetur nulli, ut nullus nisi suo vitio illa careat. Ut autem hac unitiva virtute in unum concurrere possint affectus amantium, cor amantis a se liquefieri necesse est, ut transfundiri possit, et transformari, et in illum quem amat mutari et uniri alteri, quemadmodum aquae stilla infusa vino deficere a se tota videtur dum alterius saporem induit et colorem. Hinc illi pie amantium crebri defectus, immo profectus de se in se nihil sentiunt, nisi quod in Christo Jesu. Nostis quid dicere velim, nemo te melius. Solum liquidum est quod omni formae congruit, quod optime convenit cordi amatoris. Factum est, ait ille, cor meum tanquam cera liquecens (*Psal. xxi*). Res liquecendo molliatur, dilatatur, purgatur, et nunc hunc tripli-

A cem effectum considera in amore, qui vere ignis divinus est, corda resolvens, purgans et conflans in massam unitatis, quemadmodum varia metalla soluta igne concurrunt in unum. Ad tactum cuius mollitur et cedit illa odiosa durities quae est insensibilitas cordis, quia bono nec se sentit, nec aliud, nec pietate flectitur, nec precibus movetur, exemplis non inducitur, minis non terretur, beneficiis duratur, flagellis non eruditur. Frontosus ad turpia, pronus ad illicita, subdi nescius, nisi cum resistere non possunt [potest], et in omnibus his exemplum tibi sit Pharaon homo duri cordis. Emollitur autem cor, juxta beati Pauli doctrinam, dilatatur in charitate (*II Cor. vi*), et a dextris et a sinistris usquequaque diffunditor, subveniens pariter hostibus et amicis, atque grato B quadam et spontaneo cursu omnibus occurrit, congaudens profectibus, vel defectibus condolens proximorum. Fluit igitur, sed non effluit; quia sic se derivat ad alios, ut a se aliquatenus non recedat. Et vide tu ne forte Propheta senserit ad ipsum, qui cum cor suum ceras liquecenti comparasset, protinus adjunxit, in medio ventris mei (*Psal. xxi*) : liquidum ergo fuit, sed extra se non effuebat. Solus effluit qui sic intendit alios ut sibi non attendat : *Videte, ait Apostolus, ne forte perfundatis* (*Hebr. ii*) ; neque etiam necesse est ut in his excessibus quibus humani spiritus lutosis sensibus divino munere avelluntur, extra se esse dicamus, cum Paulus in suo raptu an in corpore, an extra corpus fuerit, se dicat prorsus ignorare. Ubi ergo sunt, inquis? In eo quod interius est sui, profundum est cor hominis et inscrutabile : homo enim secretus sibi est quod solus sui ipsius noscat quod interius, non ergo ducuntur sed inducuntur spiritus in illo interiori coenaculo, quodque et illuc, clausis seorsum sensuum ostiis, securius secretisque castissimo complexu convenienter cum Dilecto, et ibi melius secum sunt, et cum sic ibi sunt simul, utius se habent.

Porro cor liquefactum purgari necesse est, et ad purum excoqui si quam habet scoriam ipso amore qui ignis consumens est, paleas ignorantiae et deliciae juventutis purgans, et purgatissimum animam faciens divino dignam conjungio, non habentem maculam neque rugam. Audi flammam vorantem : *Dimissa sunt ei peccata multa, quoniam dilexit multum* (*Luc. vii*). Denique Deum diligentibus omnia cooperantur in bonum, et ad mortem imputatur nihil ; omne autem quod ipse non imputaverit, sic est quasi non sit : *Beatus vir cui non imputavit Dominus peccatum* (*Psal. xxxi*). Nam qui non habuerit nemo est, nisi ille qui est inter mortuos liber. Sic calefactum, et liquefactum cor, facile ad omnem dilecti sermonem compungitur et ebullit, experiens illud quod canitur : *Animam meam liquefacta est ut dilectus locutus est* (*Cant. v*), et illud quod in Evangelio legitur : *Nonne cor nostrum ardens erat in nobis, dum loqueretur nobis in via?* (*Luc. xxiv*). O dulcis confabulatio Dei in anima, quae sine lingua et labiorum formatur strepitu, quae sine aure percipitur,

**Sed sub silentio solus qui loquitur et cui loqui-  
tur audit illam, a qua omnis alienus excludi-  
tur!** Sunt autem verba illa quædam cœlestis  
fontis irrigua, rigantia corda arenia et tædientia  
præ amoris desiderio. Quorum dulcis narratio  
de civitate Dei, de pace et copia civitatis, de  
civium gloria, et decore lucidissimæ mansionis,  
pellens a corde fastidium, et a corpore fatigationem,  
nuntians amico quod possessio ejus sit, et ad eam  
possit ascendere, nec aliud petiūt, vel passus est  
qui dicebat : *Dormitavit anima mea præ tædio, con-  
firmata in verbis tuis?* (Psal. cxviii.) Similia autem  
sunt verba veritatis nostris cogitationibus, et nemo  
tam vigil observator est motuum, qui facile disser-  
nat quid cor pariat, vel quod audiat, nisi qui Do-  
minum loquentem advertit : *Quid cogitatis mala in  
cordibus vestris?* (Matth. ix.) Et illud : *De corde  
exirent cogitationes malæ* (Matth. xv). Et item : *Qui  
mendacium loquitur, de suo loquitur* (Joan. viii.). Et  
istud Apostoli : *Non quod sufficientes simus cogitare  
aliquid ex nobis* (II Cor. iii). Mala ergo in cordibus  
dicimus juxta illud : *Dixit insipiens in corde suo, Non  
est Deus* (Psal. xiii). Bona autem audimus : *Unde :  
Audiam quid loquitur in me Dominus Deus* (Psal.  
lxxiv). Et prorsus huic auditui dabitur gaudium  
et lætitia, nec revertetur verbum vacuum, sed faciet  
ad quocunque nisit illud, rigans et secundans pe-  
netralia cordis : qui talibus verbis docentur, docen-

**A**bles Dei sunt, et unctio eos docet, quæ sola omnem  
veritatem docet suavi celerique magisterio. Loquitur  
quædam profunda mysteria Dei quæ non libet ho-  
mini loqui et, si audire licet, qualia apud magi-  
stros sæculi nullatenus audiantur, quorum virtute et  
auditu corda liquecunt, liquecendo deficiunt, et  
deficiendo perficiuntur. Dura in illam unitatem con-  
currunt, quam suis Salvator orat et optat in Evan-  
gelio : *Ut sint, inquit, unum sicut, et nos unum su-  
mus* (Joan. xvii). Cujus sanctus Joannes in sua Epi-  
stola meminit, dicens : *Sicut ipse est, et nos sumus in  
mundo* (I Joan. iv), ut sicut videlicet illa beata beati-  
ficans personarum Trinitas amore continetur æterno  
absque confusionem et divisione, ut nec unitatem tur-  
bet personarum divinarum qui essentiam non mul-  
tiplicat, nec unitas Trinitatem redigat in singula-  
ritatem personæ, sic et ipsi unitantur et ordinantur  
in charitate, cum comparatione quidem sed qualis-  
cumque similitudine, nec absurdum paretur quod  
dixi Deum amore contineri, cum non alio dixerim  
quam seipso et quam seipsum. Hæc autem pauca  
ita suscipiat charitas tua, ut cum a te perfecta fuer-  
int, nulli transcribenda concedas, nisi quibus ad  
ædificationem animæ talia credideris expedire. Nos  
enim quam prout sint quidam simplicia dicta con-  
spuere, his solum intenti quæ quæstiones verbo-  
rum generant, quarum nullus est finis, et fructus  
modicus.

## TRACTATUS

### DE QUATUOR GRADIBUS VIOLENÆ CHARITATIS.

**Vulnerata charitate ego sum. Urget charitas de** C **charitate loqui, libenter me impendo charitatis ob-  
sequio, et dulce quidem, et omnino delectabile de-  
dilectione loqui. Jucunda materia, et satis copiosa,**  
et quæ omnino generare non possit vel tedium scri-  
benti, vel fastidium legenti. Sapit enim supra modum  
cordis palato quod charitate conditur, si dede-  
rit homo pro dilectione omnem substantiam domus  
sum, quasi nihil despiciet eam. Magna vis dilectionis,  
miranda virtus charitatis. Multi gradus in ea,  
et in ipsis magna differentia. Et quis eos digne dis-  
tinguere vel saltem dinumerare sufficiat ? Est sane  
in ea affectus humanitatis, soliditatis, amicitias,  
consanguinitatis, fraternalitatis, et in hunc modum  
alii multi, super hos tamen omnes dilectionis gra-  
duis est amor ille ardens et servens qui cor pene-  
trat, et affectum inflammat, animamque ipsam eo-  
usque medullitus transligit, ut veraciter dicere  
possit : *Vulnerata charitate ego sum. Cogitemus  
ergo quæ sit illa supereminencia charitatis Christi,*  
quæ dilectionem parentum, nunc amorem prolis,  
uxoris affectum transcendit vel extinguit, insuper  
et animam suam in odium vertit. O vehementia di-

**D** lectionis ! o violentia charitatis ! o excellentia, o  
supereminencia charitatis Christi ! Illoc est, fratres,  
quod intendimus, hoc est illud de quo loqui vol-  
mus, de vehementia charitatis, de supereminencia  
perfectæ simulationis. Nostis satis quia aliud est  
loqui de ipsa charitate, et aliud de ejus consumma-  
tione. Aliud sane loqui de ipsa, atque aliud de ejus violentia. Attendo ad opera violentæ charitatis, et  
invenio quæ sit vehementia perfectæ simulationis. Ecce video alios vulneratos, alios ligatos, alios lan-  
guentes, alios deficientes, non tamen a charitate. Charitas vulnerat, charitas ligat, charitas languidum facit, charitas defectum adducit. Quid horum  
non mirum, quid horum non violentum ? Hi sunt  
gradus quibus interim toti intendere ad illam quam  
multum concupiscitis, audite de illa, et anhelate in  
illam quam vehementer ambitis. Vultis audire de  
charitate vulnerante ? *Vulnerasti cor meum, soror  
mea sponsa, in uno oculorum tuorum, et in uno crine  
colli tui* (Cant. iv). Vultis audire de charitate li-  
gante ? *In vinculis Adam traham eos, in vinculis  
charitatis* (Osee. i). Vultis audire de charitate lau-  
guente ? *Filie Hierusalem, si inteneritis dilectionem*